

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Exercitatio theologica de fragrantia Christi quam ex 2.
epist. ad Corinth. 2, 15.16**

**Buddeus, Johann Franz
Naumann, Tobias Gottfr.**

Ienae, 1712

VD18 11426357-001

§. V.

[urn:nbn:de:bsz:31-130634](#)

mano corpore, corroboratio. Ob suavitatem enim particulae odoriferae per nares irruendo cerebrum demulcent, spiritus animales augent, sifitos autem in eodem, & a quacunque causa stupefactos, recreant, ac agiles redundunt, ita ut interdum suavitate odorum exanimis etiam reuocentur, quia naturae humanae gratus est odor bonus, & acceptus. Accensa itaque thymiamata, vel alia odoramenta, quae fumos fragrantes exhalant, halitusque suaves spirant, amamus, iisque oblectamur, quippe quae venenatos vapores ac foetores dissipant & expellunt. Foetor contra vehementissime offendit naturam, & prosternit nonnunquam, mortemque infert: ita, ut, si foetorem tormentum & cruciatum dixeris, a vero non aberraveris. Hinc cadavera, ac singula graueolentia celerrime ac procul fugimus. Ex dictis liquido constat, bonam fragrantiam denotare posse, delectationem, siue voluptatem singularem, quam proxime efficit.

§. V. *Eudia* rarius quidem absolute in sacris ponitur literis, fere tamen adiunctam habet vocem ὄσμην, ex linguae idiotismo non sine

sine emphasi. *'Ewōdīa enim per se iam denotat odorem suauem, bonum, gratum, cuncte late, & maximo sensu sese diffidentem. Accedente ergo voce ὄσμη, quae alias vocabulum μέσον est, designatur odor benefragrans.

§. VI. Vociis odoris, in scripturis varia ac multiplex est acceptio, tam in bonam, quam in malam partem; sed eam omnem hic enarrare, superuacaneum valde foret, & a scopo remotum. Potiores significaciones recenset Matthias Flacius. ** Vociis ἐυωδίας tantum acceptiones indicabimus, quae ad nostrum faciunt institutum. Omnia primo & praecipue usurpat vox ἐυωδία a LXX. interpretibus de sacrificiis D E O oblatis, quae igne consumebantur. In eorum enim accensione odor omnino redolebat, qui non adeo quidem gratus, quin potius molestus erat, obfoetorem, quem carnes accensae alias exhalabant. Vnde ob longe alium respectum, odor ille, suavis dicendus erit. Neque enim in

toto

* Vid. Glassius in *Gram.* S. l. 3. tratt. I. cap. XXXII, p. m. 461. Celeberrimus Danzius noster, in interprete §. 18.

** In clave sua, sub voce *odor*.